


# Рождество Иисуса Христа

Евангелие от Луки 2:1-20

на **80** языках народов СНГ

Институт перевода Библии

Москва 2000



им долақ закон, туре қясыда и Август бая  
қан дуббетин дә'үнаириңбет былды ба'ңдиңт.

2 Кире овыльды қусям дә'үнаириңбет, бу уонь,  
аська Сирия-ба'ңдиңт татыңқовильда буря и  
Квириний-қый қя ке'т.

3 Быльды оңонь дә'үнаириңбетдиңа,  
касьна биньдада колет.

4 Ке'т буря и Иосиф, Галилей ба'ңдиңиль, Назарет колетдиңиль,  
Иудеядиңа, колетдиңа Давидда ди Вифлеем оонь, бу биньда  
дә'үнаңаль Давидда овыльды.

5 Бу оонь дә'үнаириңбетдиңа биньда китай  
қимась ди Мариам, буря дыльась датольгә.

6 Аська буң димисьн Вифлеемдиңа, будиңт дәимись сас берь дыль.

7 Буря билвет хы'п-қогда, больтағуқонь бу қаря есондақ  
қыяпдиңа, буңнаңт се'й бәнсьяң.

8 Бәнсьбил Вифлеемдиңиль толангут сенькалябельсин, буң долин  
ульбаңдиңт хай тусяң сирукт калявельуольбетин ассень, буңна и овцаң.

9 Буңнаңт димись Есьда анэль, Есьда кэнам буң кэнейуллий.  
Буң қостит обыльды.

10 Есьда ке'т бая наңа:

«Ат қосқаңет! Ат богбит экаңа қя қа' – қя дэгасиң дә'үнаңа.

11 Еңқоң Давидда колетдиңт сибатоноқ эка  
Калябельсь – Есьда ке'т Мессия, Есь бу дәрақайдә!

12 Кире экаңа тонь: экң куабәгин дыль, туре дутоқит  
больтақбоксяебет қыяпдиңт».

**13** Эқпесь кисаң Есьда кет илька  
тося долин былдэ Есьда кальдэң,  
Есьда кетбереңогаветин:

**14** *«Ақтам Есьдаңт, туре дэңу былде  
ба' ндиңт лювероңавет!»*

**15** Аська анеляң димисин есьда, сенькалябельсин маньмаң:  
«Дэңонь Вифлеемдиңа, дэңсоғин, акусь тусяң ситақ,  
акусь баря этаңа Есь!»

**16** Буң қыле оңонь қаңиңа хай доңонбэгин  
Мариам Иосифась хай дылясь, қыяпдиңт.

**17** Датолюңин дыль, буң маньмаң туре,  
акусь баря даңа анель.

**18** Быльдэ, аня аңабильдэ туря, қостит асанэй  
сенькалябельсьнаңаль.

**19** Мариам былдэ дэнято хай анеңилбет.

**20** Сенькалебельсин димисин уська, кетберең  
Есь былдадиңт, акусь буң толюңин хай дэқлагин:  
быльдэ овылдэ тонь, биля баря наңа анель.

Первая публикация библейского текста

Численность: 1084

Расселение: Красноярский край (Россия)

First publication of a Biblical text

Population: 1084

Location: Krasnoyarsk Territory (Russia)